

Was is denn los, werst Du Dir denga
Wer duat mi den da außasprenga
Griaß Gott, miteinand, mecht i zerst amoi song
Burgermoaster heut müß ma di was frong.

Liaba Buagamoasta mia sama kemma,
woll'n di a weng in Anspruch nehma.
An Grund moan ma, den werst scho ahna
es is de Feier nagst Jahr.

Nächst's Johr, do lad'n mia Feiaweher ein,
150 Joahr oid is dann der Verein.
Feiaweher aus fast ganz Bayern
wer'n zu uns kemma und mit uns feiern.

Und jetzt sei länger ned voschwieg'n
Do dad uns no wos am Herz'n lieg'n.
So wia des Sitt und oida Brauch,
g'hört zu dem Fest a Schirmherr auch.

Wer des wohl sei soll – und wia hoaßtá ?
Mia ham hoad g'moant : da Buagamoasta.
Des hoad a Foam, schaut se guad o,
und desweg'n san ma do.

Des Utensil für deine Macht,
hätt ma dir scho mitgebracht.
Indem's das tuasd in Händ'n halten
Hoff ma, du muasst as nie entfalten.

Du liaba Buagamoasta sollst uns des richt'n
und den Himmel fest abdichten,
dass koa Trepfl owa kimmt
und in unser Festbier rinnt.

Dei Frau unterdess'n
woll'n mia natürlich ned vergess'n
Sie muass ja, wenn mia's Fest ausricht'n
Des öfteren auf dich verzicht'n
Drum gehm' ma dir den Blumenstrauß,
ois kloana Dank im vorhinaus.

Und jetzt zum Schluss dad'n mia die bitt'n:
Wuis't Schirmherr sei in uns'rer Mitt'n ?
Es waar a Freid und dad uns ehr'n.
Drum lass uns iat's die Antwort hör'n !